

Mahi Aromatawai Ā-Roto – Tikanga ā-Iwi 3.2

Taitara Paerewa: Te Tātari i tētahi Rautaki Whakapūmau Ahurea a tētahi Iwi Taketake

Tau Paerewa: Tikanga ā-Iwi 3.2

Kaupae: 3

Whiwhinga: 5

Āhua Aromatawai: Ā-roto

Kokonga Marautanga: Te Wāhi me te Taiao

Horopaki: Te Whakamahinga o te Mātauranga Reo Māori hei Rautaki Whakakotahi i te Ahurea

Arotahi: He Rautaki hei Whakapūmau i te Reo me te Tuakiri

Rauemi hei awhina i te kaupapa: [Ngā Hītori o Te Pūtahi Māori o Manurewa](#)

Taitara o te Aromatawai:

Te Mana o te Mātauranga Māori – Te Mātauranga Reo Māori hei Rautaki Whakakotahi i te Ahurea

He Whakamārama mō ngā Ākonga:

Te Aronga: Ko te Mātauranga Reo Māori tētahi o ngā rautaki tino hirahira kua whakamahia e ngā whānau, hapū me ngā iwi ki te whakahou ake i te reo Māori, ki te whakapūmau i te tino rangatiratanga, ā, ki te whakahoki mai i te oranga ahurea. I tēnei mahi aromatawai, ka tātari koe i te āhua o te mahi a te Mātauranga Reo Māori hei rautaki whakapūmau ahurea i hangaia e, mō hoki ngā whānau, hapū me ngā iwi Māori.

Tōu Mahi:

Me waihanga koe i tētahi pūrongo, tuhinga roa, whakaaturanga rānei e kapi ana i ngā wāhanga e whai ake nei:

1. Whakamārama i ngā Āhuatanga Matua o te Rautaki

2. Tātari i ngā Tirohanga me ngā Uara
3. Aromātai i ngā Hua me te Whaihua o te Rautaki
1. 4. Whakamahia ngā Tautoko Kōrero (evidence)
2. 5. Tuku Whakaaro hei Whakapai ake (mō te Kairangi anake)

Ngā Herenga Aromatawai:

- Me mahi takitahi te mahi.
- Ka taea te whakaatu i ngā hua hei:
 - Pūrongo ā-tuhi (1000–1500 kupu)
 - Whakaaturanga ā-waha (8–10 meneti)
 - Whakaaturanga ā-rorohiko, ā-ataata rānei, me te whakamārama ā-waha
- Ka āhei te whiwhi tautoko kotahi mai i te kaiako i mua i te tukunga.
- Me mārama te tohu i ngā puna kōrero katoa i whakamahia.

Ngā Paerewa Aromatawai (Ngā Pae Paetae):

Pae Paetae	Whakamārama
Paetae	Ka whakamārama i ngā āhuatanga matua o te rautaki me ngā uara i raro i ōna tirohanga. Ka matapaki i ngā hua me te whakamahi i ētahi taunakitanga.
Kaiaka	Ka tātari i te hiranga o ngā tirohanga me ngā uara, ā, ka whakamahia he taunakitanga whai kiko hei tautoko i te arotake.
Kairangi	Ka whakawhānui te arotake ki ngā hua whānui, ka tuku whakaaro hou hei whakapai ake i te rautaki, me te whakamahi i ngā taunakitanga mārō.

Ngā Rauemi me ngā Puna Tautoko e Manakohia ana:

- Te Aho Matua o ngā Kura Kaupapa Māori
- Te Marautanga o Aotearoa
- Ngā rautaki mātauranga a ngā whānau, hapū me ngā iwi
- Ngā pūrongo o te Taraipiunara o Waitangi – WAI 11 (Te Reo Māori), WAI 262 (Mō ngā Taonga tuku iho)
- Ngā rautaki mātauranga a Te Tāhūhū o te Mātauranga
- Ngā rangahau a NZCER mō te Mātauranga Reo Māori

Rārangi Aro Mō ngā Ākonga:

- Kua whakamāramatia e au ngā āhuatanga matua o te rautaki Mātauranga Reo Māori.
- Kua tautuhia e au ngā tirohanga me ngā uara i whakatū ai i tēnei rautaki.
- Kua aromātai au i ngā hua me te whaihua o tēnei rautaki.
- Kua whakamahia e au ngā taunakitanga mai i ngā puna rerekē.
- Kua tuku au i ētahi whakaaro hei whakapai ake i te rautaki (mō te Kairangi).
- Kua tohutohungia e au ngā puna kōrero katoa i whakamahia.

Pepa Mahi – Tikanga ā-lwi 3.2

Whakamahia tēnei hanganga hei ārahi i tō mahi aromatawai. Whakakīhia ia wāhanga kia mārama, kia hōhonu hoki.

1. Kupu Whakataki – Taku pātai aronga me te take i rangahau ai mātou

Tuhia tō pātai aronga. Whakamārama he aha te take i whiriwhiri ai koe i tēnei kaupapa rangahau.

2. Tikanga Rangahau – Ngā mahi i mahingia e au

Whakamārama i ngā hipanga i whāia e koe hei rangahau i ngā kōrero hītori (pērā i ngā rā, ngā tāngata, ngā kaupapa).

3. Ōhia Manomano

Whakarōpūhia ngā whakaaro o te ōhia manomano. He aha ngā kaupapa matua i puta mai? He aha tētahi pātai mo ia rōpū?

He aha te rautaki Mātauranga Reo Māori i Manurewa?

He aha te ōrokohanga o Te Kura Kaupapa Māori o Manurewa?

He aha te ōrokohanga o Te Wharekura o Manurewa?

He aha te ōrokohanga o Te Pūtahi Māori o Manurewa?

4. Tātari – He aha te hiranga

He aha te hiranga o te rautaki Mātauranga Reo Māori, pērā i te whakapapa, tuakiri, reo, rangatiratanga, whānau, pūmau, pūtahi

5. Whakakapi – Aku whakaaro whakamutunga

He aha ngā akoranga i puta ai i tēnei mahi?

6. Tohutoro – Ēhea kōrero i whakamahia

Tuhia ngā puna kōrero (tuatahi me te tuarua) i whakamahia e koe. Me whakamahi taunakitanga hei tautoko i ō whakautu.

7. Hua Whakamutunga – Te āhua o taku tukunga

Kōwhiria te momo ka whakaatu ai koe i tō mahi: Pūrongo ā-tuhi, Ataata, Kōrero ā-waha, Whakaaturanga ā-rorohiko.